

起世因本經

卷六

二百七十九
取六

起世因本經卷第六

取

隋三藏閣那崛多達摩笈多三法師共譯

阿脩羅品第六之餘

諸比丘其阿脩羅七頭聚會處所有二岐道
通為彼王遊戲去來其鞞摩質多羅阿脩羅
王宮殿處所有二岐道亦復如前諸小阿脩

羅王輦宮殿處所亦二岐道諸小阿脩羅王
輦任止處所亦二岐道其娑羅園林亦二岐
道奢摩梨園林亦二岐道俱毗陀羅園林亦
二岐道難陀那園林亦二岐道其難陀池亦
二岐道蘇質多羅波吒羅大樹亦二岐道悉
皆如前七頭聚會相通來往

諸比丘其鞞摩質多羅阿脩羅王意欲向彼
娑羅園林奢摩梨俱毗陀羅難陀那園林等
澡浴嬉戲遊行受樂尔時心念彼諸小阿脩
羅王輦及念諸小阿脩羅輦是時彼諸小阿
脩羅王輦并及諸小阿脩羅等即生是心鞞
摩質多羅阿脩羅王意念我等如是知已即
以種種衆寶瓔珞莊嚴其身各嚴飾已乘種
種乘俱來詣向鞞摩質多羅阿脩羅王宮門
之外到已入向鞞摩質多羅阿脩羅王殿前
而住

尔時鞞摩質多羅阿脩羅王見彼諸小阿脩
羅王及諸小阿脩羅衆來即便自以種種瓔

珞莊嚴其身莊嚴身已即便騎乘是時諸小
阿脩羅王并及諸小阿脩羅輩左右四面周
帀圍遶前後導從相將詣向娑羅園林及奢
摩梨園林俱毗陀羅園林難陀那園林等到
彼處已在於難陀園林前任

諸比丘其難陀園林有三風輪自然吹動莊
嚴彼園何等為三所謂開者淨者吹者何者
名開有風輪來開彼諸門何者為淨有風輪
來掃彼園林令地清淨何者為吹有風輪來
吹動彼園林樹衆華飄令四散諸比丘其難
陀那園林之中風散種種微妙衆華下到於
膝有種種香其香氛馥遍滿園林當於彼時

其鞞摩質多羅阿脩羅王及諸小阿脩羅王
并諸小阿脩羅等輦圍遶即入彼難陀那園
林入已洗浴觀看遊戲隨意而住諸阿脩羅
等於彼園林或復一月二月三月澡浴遊戲
隨意住止各隨所欲去處而去

諸比丘其鞞摩質多羅阿脩羅王恒常別有
五阿脩羅停住其側擁護守視諸惡事故去
何爲五一名隨喜二者名有三者名醉四名
牟真隣陀五名鞞呵多羅諸比丘其鞞摩質
多羅阿脩羅王有如是等五阿脩羅恒常在
於鞞摩質多羅阿難羅王側爲守護故諸比
丘而彼鞞摩質多羅阿脩羅王宮殿之上有

万踰闍那海水而住其彼水聚自然然而有四種風持何等爲四所謂一者住二者安住三者不墮四名牢固爲此風持常住不動

諸比丘去須弥留山王南面千踰闍那在大海下有踊躍阿脩羅王宮殿住處其處縱廣八萬踰闍那七重垣墻略說猶如鞞摩質多羅阿脩羅王種種所有此中一一亦如彼說汝應當知乃至此王宮殿之上所有水聚亦爲四種風輪任持一住二安住三不墮四牢固主

諸比丘去須弥留山王西面千踰闍那大海水下有奢婆羅

隋言
幻化

阿脩羅王宮殿住處其

處縱廣八万踰闍那七重垣牆略說猶如鞞摩質多羅阿脩羅王種種所有此中一一亦如彼說汝應當知乃至此王宮殿之上所有水聚亦為四種風輪住持一住二安住三不墮四牢固主

諸比丘須彌留山王北面如上相去大海水下有羅睺羅阿脩羅王宮殿住處其處縱廣如上所說彼諸牆壁及以門樓臺閣却敵園苑諸池有種種樹與種種葉種種華果種種香熏有種種鳥各各自鳴

諸比丘彼之處所為羅睺羅阿脩羅王有城王任其城名曰摩婆帝

隋言寂主

縱廣莊嚴亦如

上說墻壁七重七重欄楯七重多羅行樹七重鈴網周帀圍遶雜色可觀七寶所成乃至車渠碼碯等寶彼等垣墻縱廣高下亦如前說彼諸墻壁亦有諸門彼等諸門高下縱廣一一如前而彼諸門所有層樓却敵臺閣園苑諸池及華沼等亦有諸樹與種種葉種種華果種種香熏亦有種種諸雜類鳥各各自鳴諸比丘其彼摩婆帝城王所住處爲羅睺羅阿脩羅王有聚會處還名七頭其處縱廣如上所說欄楯七重及諸鈴網多羅行樹周布圍遶雜色可觀亦爲七寶之所莊嚴乃至車渠碼碯等寶普四方面各有諸門彼等諸

門亦有樓槽雜色可觀七寶所成乃至碑磔
碼瑙等寶而彼下分以天車渠分布其地柔
軟觸之猶如迦旃隣提衣而彼處中有一寶
柱高下縱廣如上所說其彼柱下爲羅睺羅
阿脩羅王置一高座其座高下縱廣莊校一
一如前雜色可觀七寶所成乃至車渠碼瑙
等寶柔軟細滑觸之猶如迦旃隣提衣其座
左邊爲十六小阿脩羅王亦各別置諸妙高
座雜色可觀七寶所成乃至碑磔碼瑙等寶
右邊亦然爲十六小阿脩羅王有諸高座亦
如上說柔軟觸之如迦旃隣提衣
諸比丘彼七頭聚會阿脩羅王住處東面爲

羅睺羅阿脩羅王更置別住宮殿處所其處
縱廣一一如前七重垣墻七重欄楯七重鈴
網乃至七重多羅行樹四面普皆周而圍遶
雜色可觀七寶所成乃至車渠瑪瑙等寶四
方諸面各有諸門彼等諸門各有樓臺却敵
重閣園苑諸池衆華泉沼有種種樹與種種
葉種種華果種種香熏復有種種衆類異鳥
各各自鳴其音和雅甚可愛樂

諸比丘彼七頭聚會阿修羅王住處東西南
北爲諸小阿脩羅王輩各有宮殿住處其處
縱廣九百踰闍那或有八百或有七百及以
六百五四三二其最小者百踰闍那皆有七

重墻壁欄楯略說乃至種種衆鳥各各自鳴
諸比丘彼七頭聚會阿脩羅王住處東西南
北爲彼諸小阿脩羅輩亦各別有宮殿住處
其處縱廣九十踰闍那或有八十七十六十
五四三二極最小者猶故縱廣十踰闍那七
重垣墻略說乃至種種衆鳥各各自鳴
諸比丘其阿脩羅王七頭聚會處所東面爲
羅睺羅阿脩羅王有園苑住名娑羅林其林
縱廣一一如前七重垣墻七重欄楯乃至瑪
瑙七寶所成普四方面各有諸門彼等諸門
皆有樓槽雜色可觀乃至亦爲車渠瑪瑙七
寶所成甚可愛樂

諸比丘其阿脩羅王七頭聚會處所南面爲
羅睺羅阿脩羅王有園苑住名奢摩梨林縱
廣莊嚴皆如上說七重垣牆七重多羅行樹
雜色可觀亦爲七寶之所校成乃至車渠瑪
瑙等寶普四方面各有諸門彼等諸門有諸
樓櫓乃至瑪瑙七寶所成

諸比丘其阿脩羅王七頭聚會處所西面爲
羅睺羅阿脩羅王有園苑住名曰俱毗陀羅
林縱廣一一皆如上說七重垣牆乃至瑪瑙
七寶所成普四方面各有諸門而彼諸門有
諸樓櫓雜色可觀乃至車渠瑪瑙等寶之所
成就甚可愛樂

諸比丘其阿修羅王七頭聚會處所北面爲
羅睺阿修羅王有園苑住名曰難陀那林
其林縱廣如上所說七重垣墻乃至瑪瑙七
寶所成普四方面各有諸門而彼諸門亦有
樓櫓種種校飾雜色可觀乃至車渠瑪瑙等
寶之所莊嚴甚可愛樂

諸比丘其奢摩梨及娑羅林二處中間爲羅
睺阿修羅王有一池水名曰難陀其池縱
廣如上所說其水涼冷柔軟輕甜清淨不濁
以七寶塼七重而砌以七寶版間錯莊嚴七
重欄楯七重鈴網亦有七重多羅行樹周而
圍遶雜色可觀乃至瑪瑙七寶所成又其四

方有諸階道甚可愛樂亦爲七寶之所校成
又生諸華優鉢羅華鉢陀摩究牟頭奔荼梨
迦其華火色火形火光略說乃至如上水色
水形水光明照四方香氣氤氳普熏一切又
有藕根汁白味甜食之甘美如無蠟蜜
諸比丘其俱毗陀羅林及難陀那二林中間

爲彼羅睺羅阿脩羅王有一大樹其樹名曰
蘇質多羅波吒羅其樹縱廣種種莊嚴皆如
上說乃至七重墻壁欄楯車渠瑪瑙七寶所
成甚可愛樂略說乃至種種衆鳥各各自鳴
其音和雅聽者歡喜
諸比丘其阿脩羅王七頭聚會處所嚴飾如

上所說亦有岐道去來徑路爲彼羅睺羅阿
脩羅王遊宮殿故又復爲諸小阿脩羅王及
諸小阿脩羅輩亦有岐道通往來故向奢摩
梨及俱毗陀羅亦有岐道向難陀那及難陀
池蘇質多羅波吒羅樹等皆有岐道通其往
來遊戲樂故

諸比丘其羅睺羅阿脩羅王若欲向彼娑羅
林苑及難陀那林等澡浴遊戲出觀看時亦
時心念鞞摩質多羅阿脩羅王亦時鞞摩質
多羅阿脩羅王作如是念彼羅睺羅阿脩羅
王心念於我欲共遊戲其時鞞摩質多羅阿
脩羅王作是念已復自念其諸小阿脩羅王

及諸小阿脩羅衆輦尔時彼諸小阿脩羅王
并諸小阿脩羅輦即生是心鞞摩質多羅阿
脩羅王念我等輦我等當往即以種種衆寶瓔
珞莊嚴其身嚴飾身已各乘騎乘詣向鞞摩
質多羅阿脩羅所到已在彼宮門之所齊整
而立

尔時鞞摩質多羅阿脩羅王既見諸小阿脩
羅王并及諸小阿脩羅衆皆聚集已即自嚴
身服諸瓔珞馭種種乘共諸小王及阿脩羅
衆左右圍遶前後導從向羅睺羅阿脩羅王
所到已而住

尔時羅睺羅阿脩羅王又復念彼踊躍及奢

婆羅二阿脩羅王亦如是念其羅睺羅阿脩
羅王今念我等如是知己彼等復各念其諸
小阿脩羅王及諸衆輩其各知己又並聚集
嚴飾而來各向踊躍奢婆羅等二阿脩羅王
邊到已各各嚴身瓔珞乘騎將從圍繞來向
彼羅睺羅阿脩羅邊到已各各隨所在住
尔時羅睺羅阿脩羅王見鞞摩質多羅阿脩
羅王等並雲集已自念諸小阿脩羅王及其
衆輩彼等知己亦各嚴飾服乘而來到羅睺
羅阿脩羅王前儼然住立時彼羅睺羅阿脩
羅王見已自著種種瓔珞莊嚴其身駕種種
乘前後圍繞即共鞞摩質多羅阿脩羅王并

及踊躍奢婆羅等阿脩羅王并諸小王阿脩
羅衆輩雲集導從向娑羅林奢摩梨林俱毗
陀羅林難陀那林等到已在前少時而住
諸比丘其難陀那林苑之中自然而有三種
風輪何等爲三所謂開者淨者吹者於中開
者所有風輪開敞諸門淨者風輪掃除諸地
吹者風輪吹諸華樹諸比丘其難陀那林苑
之中上妙好華遍散滿地其華香氣普熏園
林莊嚴充足種種可觀

尔時羅睺羅阿脩羅王及鞞摩質多羅阿脩
羅王踊躍阿脩羅王奢婆羅阿脩羅王等并
諸小王群衆眷屬小阿脩羅輩圍繞而入難

陀那園入已澡浴遊戲受樂種種觀矚或行
或住或卧或坐隨所欲往任意而行諸比丘
其羅睺羅阿脩羅王亦常有五阿脩羅擁護
惡事名字如前宮上海水縱廣厚薄四種風
持令不墮墜亦如上說

起世因本經四天王品第七

諸比丘其須弥留山王東面半腹去地四萬
二千踰闍那由軋陀山頂有提頭賴吒天王
城郭住處城名賢上縱廣六百踰闍那七重
垣墻七重欄楯七重鈴網復有七重多羅行
樹周帀圍繞雜色可觀悉以七寶而爲莊嚴
所謂金銀鞞瑠璃頗致迦赤真珠車渠瑪瑙

等之所成就普四方面各有諸門而彼諸門
有諸樓櫓却敵臺觀園苑諸池其諸華林有
種種樹與種種葉種種華果種種香熏有種
種鳥各各自鳴其音調和甚可愛樂

諸比丘其須彌留山王南面半腹去地亦四萬
二千踰闍那由軋陁山頂有毗樓勒迦天王
城郭住處城名善現縱廣莊嚴一一如前提
頭賴吒天王處所略說乃至種種諸鳥各各
白鳴

諸比丘其須彌留山王西面半腹去地亦四
萬二千踰闍那由軋陁山頂有毗樓博叉天
王城郭住處城名善觀縱廣莊嚴一一如前

提頭賴吒天王處所略說乃至種種諸鳥各各自鳴其音調和甚可愛樂

諸比丘其須彌留山王北面半腹去地亦四万二千踰闍那由軋陀山頂爲毗沙門天王有三城郭以爲住處其三者何第一所謂毗舍羅婆第二名爲伽婆鉢帝第三名曰阿荼槃多各各縱廣六百踰闍那七重垣墻七重欄楯略說乃至種種衆鳥各各自鳴

諸比丘唯除月天子宮殿日天子七大宮殿其間所有自餘眷屬四大天王諸天宮殿或有縱廣四十踰闍那或有三十二十二其最小者猶故縱廣六踰闍那亦各七重垣墻

欄楯略說如前乃至各各衆鳥自鳴

諸比丘其毗舍羅婆及伽婆鉢帝二宮殿間
爲毗沙門天王有一池水其池名曰那墀尼
縱廣四十踰闍那其水調和清涼輕軟其味
甜美香潔不濁其他四邊七重塼砌七重寶
版間錯分明七重欄楯七重鈴網亦有七重
多羅行樹周帀圍遶雜色可觀七寶所成乃
至車渠瑪瑙等寶普四方面各有塔道亦爲
七寶之所莊嚴於其池中有優鉢羅鉢陀摩
究牟陀奔荼梨迦等諸華自然出生其華火
色火形火光乃至水色水形水光華開縱廣
天如車輪其光明照半踰闍那其香氣熏一

踰闍那有諸藕根大如車軸割之汁出色白
如乳食之甜美味甘猶蜜

諸比丘其伽婆鉢帝及阿茶盤多二宮殿間
爲毗沙門天王有園苑住其園名曰迦毗延
多縱廣正等四十踰闍那七重垣墻七重欄
楯乃至七重多羅行樹周而圍繞雜色可觀

略說如前乃至七寶之所成就其提頭賴吒
天王賢上住處城郭往來有二岐道毗樓勒
迦天王善現住處城郭去來亦二岐道毗樓
博叉天王其善觀處城郭去來有二岐道其
毗沙門天王阿茶槃多城郭處所有二岐道
毗舍羅婆及伽婆鉢帝等城郭處所亦各俱

有二岐之道其四天王所有眷屬諸小天衆
宮殿處所亦各往來有二岐道其那墀左池
及迦毗延多苑等亦各往來亦二岐道
諸比丘其毗沙門天王若欲至彼迦毗延多
苑中遊戲澡浴之時內心即念提頭賴吒天
王亦時提頭賴吒天王亦心生念毗沙門天
王意中念我如是知已其即自念其天所屬
諸小天王及天衆等是時東面所屬身天王
及衆輩作如是念提頭賴吒天王心念我等
如是知已各各嚴身種種瓔珞乘種種騎詣
向提頭賴吒大天王邊到已在前一面而住
亦時提頭賴吒天王即自莊嚴服諸瓔珞馭

駕乘已與諸小王天衆眷屬前後圍繞相將
往詣毗沙門大天王邊到已在此毗沙門天
王面前而住

尔時毗沙門天王心念毗樓勒迦毗樓博叉
二大天王時彼二王心如念毗沙門王意
念我等如是知已即各自念已所統領諸小
天王并諸天衆時彼小王及諸天衆亦復心
念我等大王心念我輩宜時速往如是知已
各自嚴飾瓔珞其身俱共往詣毗樓勒迦及
毗樓博叉二天王所到已而住時二天王知
諸小王及餘天衆聚集來已各自嚴身服衆
瓔珞便即騎乘與衆圍繞皆共往詣毗沙門

宮大天王所到已在前俱各得住

尔時毗沙門天王知諸二王天衆集已復自
念其所領諸小天王及諸群衆尔時北方諸
小天王及其天衆作如是念毗沙門天王今
念我等如是知已各著種種衆寶瓔珞莊嚴
身已詣毗沙門大天王前各皆立住

尔時毗沙門天王自著種種衆寶瓔珞莊嚴
自身駕種種乘共提頭賴吒毗樓勒迦毗樓
博叉等四大天王各與所屬諸天王衆前後
圍繞俱皆詣向迦毗延多園所到已在苑前
住諸比丘其迦毗延多苑中自然而有三風
輪來一開二淨三吹開者開彼園門淨者淨

彼園地吹者吹彼園樹諸華飄颺諸比丘其
迦毗延多苑中衆華積至于膝種種香氣周
遍普熏

尔時毗沙門天王提頭賴吒天王毗樓勒迦
王毗樓博叉王等與諸小王通及眷屬圍繞
共入迦毗延多苑中澡浴遊戲種種受樂於
彼園中或復一月二月三月澡浴訖已遊戲
受樂隨欲去處自恣而行。

諸比丘其毗沙門亦有五夜叉神王恒常隨
逐側近左右爲守護故何等爲五一名五丈
二名曠野三名金山四名長身五名針毛
諸比丘其毗沙門天王遊戲去來常爲此等

五夜叉神之所守護

起卅因本經三十三天品第八

諸比丘其須彌留山王頂上有三十三天宮
殿住處其處縱廣八万踰闍那七重垣墻七
重欄楯七重鈴網七重多羅行樹周而圍繞
雜色可觀七寶所成所謂金銀鞞琉璃頗致
迦赤真珠車渠瑪瑙等其垣墻高四百踰闍
那廣五十踰闍那彼等垣墻相去各各五百
踰闍那於其中間有諸門住彼等諸門高三
十踰闍那廣十踰闍那其門兩邊有諸樓櫓
却敵臺閣及輦輦等又有諸池及以華林有
種種樹種種葉種種華果種種香熏有種種

鳥各各自鳴其音調和甚可愛樂又彼諸門
各各常有五百夜叉爲三十三天作守護故
諸比丘彼垣牆內爲三十三天王有一城郭
名曰善見其城縱廣六万踰闍那七重垣牆
七重欄楯七重鈴網七重多羅行樹周而圍
繞雜色可觀亦爲七寶之所莊嚴乃至碑磔

瑪瑙等寶彼城壁高百踰闍那其上廣五十
踰闍那彼城垣牆亦各相去五百踰闍那於
其中間有諸門住其門各高三十踰闍那廣
十踰闍那彼等諸門亦有樓櫓却敵臺閣諸
池華林有種種樹種種葉種種華果種種香
熏種種衆鳥各各自鳴彼等諸門門別各有

五百夜又爲三十三天而作守護

諸比丘近彼天宮善見城側爲伊羅鉢那大龍魚王有宮殿住其宮殿縱廣六百踰闍那亦有七重牆壁欄楯略說乃至種種衆鳥各自鳴

諸比丘彼善見城大垣牆內爲三十三天有聚會處名善法堂其處縱廣五百踰闍那七重欄楯七重鈴網七重多羅行樹周而圍繞雜色可觀七寶所成乃至車渠瑪瑙等寶普四方面各有諸門彼等諸門皆有樓櫓却敵臺觀種種雜色七寶所成其地純是青琉璃寶柔軟滑澤觸之猶若迦旃隣提衣當其中

間有一寶柱高二十踰闍那於其柱下爲天
帝釋置立一座高一踰闍那廣半踰闍那雜色
可觀乃至車渠瑪瑙七寶成就柔軟細滑觸之
如前其座兩邊各有十六小天王座而侍衛
之七寶所成雜色可觀細滑觸之如前不異
諸比丘其善法堂諸天集處爲天帝釋更立
宮殿其宮殿廣千踰闍那七重垣墻乃至衆
鳥各各自鳴

諸比丘其善法堂諸天集處東西南北爲諸
小王有宮殿住縱廣九百踰闍那者或八或
七六五四三二其最小者廣百踰闍那七重
垣墻乃至衆鳥各各自鳴其善法堂諸天會

處東西南北爲三十三天諸小天宮縱廣九十
十踰闍那八十七十六十五十四十三十二
十其最小者廣十二踰闍那七重垣墻乃至
衆鳥各各自鳴

諸比丘其善法堂諸天聚會處東面爲三十
三天王有園苑住名波樓沙縱廣千踰闍那
略說乃至七重垣墻爲瑪瑙等七寶所成普
四方面各有諸門彼等諸門有諸樓櫓雜色
可觀乃至瑪瑙七寶所成諸比丘其波樓沙
園苑之中有二大石一名賢二名善賢爲天
瑪瑙之所成就各皆縱廣五十踰闍那柔軟
細滑觸之猶如迦旃隣提衣

諸比丘其善法堂諸天聚集處所南面為三
十三天王有一園苑名雜色車其園縱廣千
踰闍那七重垣墻乃至瑪瑙之所成就普四
方面各有諸門彼等諸門皆有樓櫓雜色可
觀乃至瑪瑙之所成就其彼園中亦有二石
一名雜色二名善雜色純以天青瑠璃所成
亦各縱廣五十踰闍那柔軟細滑觸之猶如
迦旃隣提衣

諸比丘其善法堂諸天聚集處所西面為三
十三天王亦有園苑名為雜亂其園縱廣千
踰闍那七重垣墻乃至七寶之所成就四方
有門皆有樓櫓却敵臺閣俱七寶成彼雜亂

園亦有二石一名善現二名小善現以天頗致迦所成亦各縱廣五十踰闍那柔軟細滑觸之猶如迦旃隣提衣

諸比丘其善法堂諸天聚集處所北面為三十三天王有園苑住名曰歡喜其園縱廣千踰闍那七重垣墻乃至瑪瑙七寶所成四方有門各有樓櫓却敵臺閣亦為七寶之所莊嚴諸比丘歡喜園中亦有二石一名歡喜二名善歡喜以天銀成亦各縱廣五十踰闍那柔軟潤澤觸之如迦旃隣提衣

諸比丘其波樓沙園及雜色車二園中間為三十三天王有一池水名為歡喜縱廣五百踰

闍那其水涼冷輕軟甘甜清潔不濁以七寶
磚四面而壘七重寶版而間錯之七重欄楯
乃至七重多羅行樹周而圍繞雜色可觀又
其四方各有塔道並為七寶之所莊嚴中有
諸華優鉢羅華鉢陁摩究牟陁奔荼梨迦華
等其華火色火形火光乃至水色水形水光
縱廣大小皆如車輪其光明照一踰闍那風
吹香氣熏一踰闍那有諸藕根大如車軸割
之汁流色白如乳其味甘甜如無蠟蜜
諸比丘其雜穢園及歡喜園二園中間為三
十三天王有一大樹名波利夜多羅俱毗陁
羅其根周而七踰闍那略說乃至枝葉遍覆

及院縱廣五百踰闍那七重垣墻乃至衆鳥
各各自鳴

諸比丘其波利夜多羅俱毗陀羅大樹之下
有一大石其石名曰般荼甘婆羅以天金成
縱廣五十踰闍那柔軟潤澤如觸迦旃隣提
衣諸比丘於彼中間何因何緣其善法堂諸
天集會稱爲善法諸比丘其善法堂諸天會
處三十三天王聚集坐已於中唯論微妙細
密諸甚深義審諦思惟稱量觀察多是世間
諸要法事真實正理是以天稱爲善法堂集
會之處又何因緣名波樓沙迦苑

波樓沙迦
隋言鹿澀

諸比丘鹿澀園中三十三天王入已坐賢善

賢二石上已唯論世間虛惡不善語言戲謔
是故稱為波樓沙迦又何因緣名雜色車苑
諸比丘雜色車園中三十三天王入已坐於
雜色及善雜色二石之上論說世間種種雜
類色相語言是故稱為雜色車苑又何因緣
名雜亂苑

諸比丘雜亂園中三十三天王常以月八日
十四日十五日放其宮內一切姝女向彼園
中令共三十三天衆輦合雜嬉戲不生障隔
恣其歡娛受天五欲具足功德遊行受樂是
故彼處諸天衆等共稱彼園為雜亂苑

起世因本經卷第六

取

岐

反巨支

嬉戲

之上許

氛馥

下之音芬

版

同板字

氛氲

下

反烏

逕路

正上

作古定反

乘騎

上寄反

時陵

反中奇

證

開

敞

兩下反昌

墀

上音

飄颻

下音

苗

反

時



